



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Theologia Moralis

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 133. Quid notandum sit circa vacationem per Matrimonium, ingressum Religionis, militiam, captivitatem, absentiam.

**urn:nbn:de:hbz:466:1-42600**

novæ Ecclesiæ, potest sine nova collatione redire ad priorem, quia Papa volebat vacationem sub conditione habendæ alterius, arg. Cap. *Si beneficia*, de præb. in 6. *Castrop. Garc. Leur. q. 155. n. 3. & q. 160. n. 4.*

Q. 133. *Quid notandum sit circa vacationem per matrimonium, ingressum Religionis, militiam, captivitatem, absentiam. R. Seqq.*

§. I. Per matrimonium de futuro, five per sponsalia non amittitur beneficium, *Sanch. Castrop. Lott. Leur. p. 3. q. 44.*; talem tamen meritò privandum esse dicit *Less.*, sed meliùs contradicunt *Lott. & Garc. p. 11. c. 8. n. 19.*, quia nullibi imponitur ea pœna. E contrà per matrimonium de præsentibus vacant ipso jure absque sententia vel declaratione omnia beneficia in Ecclesia latina, Cap. 1. & 3. de *Clev. conjug.*, & cap. un. eodem tit. in 6. *Az. Sanch. Barb. Leur. q. 36. contra Carer. & Rodrig.*, Similiter cum matrimonio penitus emoritur, nec soluto matrimonio reviviscit jus ad beneficium, expectativa, accessus, regressus &c. *Sanch. Garc. Barb. Paris. Castrop. Lott. Leur. q. 38.* Quod tenet, etiam si uxor non consummato matrimonio ingrederetur Religionem aut moreretur, *Sanch. Garc. Barb. Castrop. Lott. Leur. q. 41.* Item perditur jus ad pensiones Ecclesiasticas, *Tusch. Barb. Paris. Castrop. Lott. Leur. q. 38.* Neque in his dispensare potest Episcopus, *Abb. Host. Az. Castrop. Lott. Leur. q. 42. & 48.* Dispensatio tamen habilisans ad beneficium non tollitur per matrimonium, *Sanch. Garc. Leur. q. 39.*

§. II. Si matrimonium sit invalidè contractum defectu consensûs in beneficiato, vel quia caruit libertate, vel quia vi aut injusto metu est coactus, non inducitur vacatio, quia nec assumpsit nec attentavit assumere matrimonium, *Sanch. Garc. Castrop. Leur.*

*ca, Lott.* Si autem dolosè finxit consensum, aut scienter contraxit cum impedimento dirimente, adhuc putant *Sanch. Less. Laym. Castrop. Pirb.* aliique Theologi ipso jure non induci vacationem, quia Canones tantum loquuntur de legitimo matrimonio, & reipsa talis non contraxit statum impossibilem, nec censi potest voluisse dimittere beneficium; consentit *Garc.*, si ignoranter ita contraxit, sed *Covar. Gonz. Barb. Fond. & Canonistæ* communiter docent jure ipso vacare, sive ignoranter sive scienter sit contractum, & *Lott.* dicit oppositam sententiam esse cavendam ac erroneam, quia quando lex ipsa vel dispositio consideravit potius ipsum factum quam effectum, pœna incurritur per ipsum factum, *Bartol.* in l. *quid ergo*, n. 1. ff. de his, qui notantur infam., Hinc in ordine ad incurrendam hanc pœnam privationis ipso jure putant non esse inspiciendam facti validitatem, sed factum ipsum, ideoque hanc vacationem causari à sola attentatione status imperfectioris, & ejusdem productione ad aliquod esse de facto, licet fiat absque valore. Vide *Leur.* q. 43. 46. 47.

932 §. III. Si beneficiatus pubes contrahat cum impubere matrimonium, non videtur ipso jure privari beneficio, quia talis contractus interpretatione juris est tantum sponsalitiis, cap. un. de despons. impub. in 6. *Nec obstat*, quod sit attentatio matrimonii, quia hæc non inducit obligationem, vacatio autem non respondet attentationi nullam inducenti obligationem, *Castrop. Leur.* q. 45.

933 §. IV. Quamvis præbenda Canonessæ non sit beneficium, secundum dicta n. 230., tamen vacat per matrimonium, uti dictum est n. 233.

934 §. V. Beneficium non vacat per ingressum in novitiatum Religionis, Cap. *Beneficium*, de Regu-

lar. in 6. Imò novitius manet capax novi beneficii, & ei conferatur, *Lott. Leur. q. 54.* Et hæc tenent, licet novitiatus produceretur ultra ordinarium tempus, quia manet idem status, *Sanch. Mandos. Castrop. Leur. q. 55.* Et fructus perceptibiles in absentia acquiruntur novitio, non tamen requirentes personalem præsentiam, quia hæc non est ex causis à jure expressis, *Suar. Sanch. Garc. Castrop. Leur. q. 56.* Si tamen beneficium requirat servitium, debet statui Vicarius, assignatâ solùm congruâ portione fructuum, *Laym. Tann. Lohn. Leur. q. 57.* Quòd si beneficium sit Curatum, debet obtineri licentia Ordinarij in scriptis, *Garc. c. 9. n. 30.* Quod dictum est de novitiis, valet etiam de conversis ingredientibus Monasterium & vestem religiosam assumptibus cum solo voto simplicis obedientiæ, *Lott. Leur. q. 53.*

§. VI. Per professionem religiosam vacant ipso jure beneficia in sæculo obtenta, cap. *Beneficium* de Regular. in 6., Item jus ad beneficium, uti & pensiones Ecclesiasticæ, *Sanch. Barb. Garc. Castrop. Luca.* Valetque hoc etiam de votis coadjutorum formatorum in Societate Jesu, *Castrop. Leur. q. 52.* Idem est de conversis, qui emittunt professionem, *Lott. Leur. q. 53.* Et dicta tenent, etiamsi professio sit solùm tacita, id est, quæ inferatur per conjecturas & signa exteriora, ac fieri censeatur per actum aliquem professis proprium, qualis est eligere in Capitulo &c. *Lott. Leur. q. 50.*; si tamen professio sit nulla, non vacant, sed post declarationem nullitatis potest insistere beneficio, quia hic attentabatur status melior, unde non est ideo privandus, *Lott. Leur. q. 51.*

§. VII. Licet per emissionem votorum simplicium in Societate JESU aliquis fiat Religiosus, tamen non ideo ipso jure vacat ejus beneficium aut pen-

aut pensio, quia manet capax juris & domini fructuum, *Sanch. Barb. Castrop.* Decrevit tamen Congreg. III. Can. 5., ut antequam vota simplicia emittantur, omnia beneficia dimittantur, *Leur. q. 52.*

937 §. VIII. Beneficia ipso jure vacant per militiam secularem, quia est status impossibilis, *Gl. Gig. Az. Tond. Paris. Gonz. Lott.*, Unde dimissa militiam non poterit quis redire ad beneficium adhuc vacans, *Ricciul. Barb.*, qui tamen putant Clericum in Sacris constitutum venire tantum privandum: probabile etiam videtur, si tantum sit adscriptus militiae & necdum secutus castra, neque exercuerit militaria, non vacare beneficia ipso jure, *Gl. Az. Rebuff. Tond. Lott. Leur. q. 59.*

938 §. IX. Beneficia non vacant per captivitatem aut incarcerationem perpetuam, id enim nullus Canon statuit, *Tond. Lott. Luca: Nec obstat*, quod *Cap. Si Episcopus*, de suppl. neglig. prael. in 6., Ecclesia censetur vacare, Episcopo in captivitatem abducto, nam eodem modo censetur vacare, si fiat amens, nec ideo verè vacat, sed in tantum censetur vacare, quod jurisdictio devolvatur ad Capitulum, *Laym. Luca.* Quod si beneficiatus in captivitate vel carcere moriatur, beneficium vacat per mortem, nec in materia Canonica valet dispositio civilis legis *Corneliae* statuentis morientem in captivitate fingi mortuum in hora captivitatis, *Leur. q. 60.*

939 §. X. *Gl.* & alii communiter, teste *Pirh. l. 3. c. 5. n. 171.* docent per solam absentiam, quamvis 10. annorum, non censi vacare beneficium, nec beneficiarium ipso facto vel jure censi privatum, sed esse citandum: nisi tamen propter nimis longam absentiam & alias circumstantias aliquis censi possit beneficium pro derelicto habere, *Gonz. gl. 15. n. 64.*

940 Q. 134. Quid notandum sit circa privationem ob varia delicta. R. Seqq. §. I.